


湘陰縣志

全二

0070.75  
275  
1-2

廿五三共二本



館	書	圖	京	東
二	〇	八	四	地
冊	號	架	兩	理
				門

湘陰縣志

上

登录号 线1148P  
函 2 册

湘陰縣志序

明治九年吏部省交付

予始至湘陰欲約民奢儉之中無以察俗之  
好尚也欲經治寬猛之宜無以察民之性習  
也欲會財賦出入之數無以知物土之利壞  
地之所產也與夫形勢之險阻地理之遠邇  
溝澮之通塞宮室之興頽盡事物之蹟以為  
神化宜民之術者漫無可稽是故訪于鄉耆  
耳目之覩記而言之涉于誕者無足信也求  
之簿書案牘之紛沓而吏胥之蠹弊相仍焉

湘陰縣志

一

又不可以察察而推也于是考之邑志焉庶  
乎為得其槩矣第舊志脩于成化初年迄今  
又散逸無存吾將安所取衷也邪昔夫子言  
夏殷之禮嘆杞宋之無徵非聖人之聰明浪  
于所不逮也蓋禮之形器名數不能無今昔  
先後之異施典籍既廢何以知其文而識其  
情也哉聖人之嘆嘆禮之弗傳也夫今也得  
百里之地以有人民之責使無志以先知而  
預待之欲求其施之適于時以善其治于一

邑弗可得已吾茲誠知所懼也迺敢精竭慮  
考郡省一統諸舊志而日校讎之揭其綱領  
疏其條目各類俱備為叙論以盡其愚毋使  
後之視今如今之視昔焉則賢後之人以可  
久可行之政或不在茲矣或語予曰子之心  
則勤矣吾聞古之為政者脩己以先人取人  
以自益今子言之自子行之可也而必欲責  
夫人以必能焉吾未之知也今夫執途之人  
而告之某也善行之某也不善己之人其不

笑我以為迂且狂者哉自今繼子為令者吾  
不知其何限也不啻途人焉爾逆知其行與  
否與況以善而責之人似自處以約而望人  
也為過詳矣恕之道其然乎予曰局于所短  
者自畫者也用所長以濟之斯已矣私其所  
有者自狹者也公已善推之斯已矣予也方  
愧庸陋且拙而度後之令聰明才智加于予  
十百千萬者宜其必眾也假使以予言為可  
行而行之以此約俗之中焉以此制政之常

焉以此經上之法焉燦常備具不勞搜覈延  
咨之詳寧不可以契其義以裕于政乎是故  
吾能用所長以濟吾之短不失其為脩己者  
也吾能不和其善以與人不失其為取人者  
也惠澤之布不必其已出而所及者為無疆  
矣子其以為何如客歛祗謝曰泰河鎮鄒器  
非不利也持其柄以刃物存乎其人焉爾物  
且然于人寧無待于所資乎吾誠有感于子  
之言以望夫後之人善用之者予遂定湘陰

志為二冊以付梓人并以述予僭妄之心以  
解客之惑云

嘉靖甲寅歲季秋月望日

賜進士第知湘陰縣事昌江瑞泉張燈撰



續脩湘陰縣志序

歲嘉靖乙巳惟楚督學 憲臣祇承

天子命纂脩輿都通志余以弟子員承乏屬筆  
僅得舊志一部逸其半矣蓋邑先夫夫韓公  
諱恂也越八十餘禩以故殘缺而弗備世遠  
而莫傳孔子謂文獻不足祀宋無徵信夫湘  
之缺典也已余乃叅郡志集衆思手錄成編  
義從其簡事舉其繁遵志例也若夫因略以  
致詳秉筆而鈹梓定有待於作者比及辛亥

湘陰縣志

四

瑞泉張公來宰吾湘三年而政成化理遂重  
蒐補益義例準遷史哀集成帙章程具矣後  
有作者夫何為哉雖然志提封而城池未建  
也志創設而倉廩未增也志學校而義田未  
置典籍弗存也職官之代者幾矣貢舉而仕  
者又幾矣矧吾湘租庸繁重田疇於鄰邦而  
賦存焉并於屯卒而民苦焉土著之民耕而  
食者僅四五客戶無征徭之及而坐收田園  
山澤之利者殆居其半民之逋負於

公家遷徙於異域者視昔較甚也茲皆世道  
之升降政治之汙隆係焉可以弗志乎哉少  
尹劉君伯昇司訓虞君大治黃君閣僉議纂  
續儲王生鑰邵生洛孫生恩嚴生大化質於  
予迺相與訂訛補缺參酌增輯故城池志而  
知經理之略義田志而知作養之意倉廩志  
而知儲蓄之備職官志而知宦跡之當脩貢  
舉志而知士習之當厚志述貞志流移則知  
計畝以清稅而催科之方勞來之政竝舉之

矣繫于政教焉者豈其微哉為政者據志以  
殫慮必其錫福群生以滌弊而振民觀風而  
設教脩明其政事輯和其人民而志之所志  
者巨細畢舉矣不有以躋美先後而增光簡  
書也哉否則雖志亦奚以為是故可以興可  
以觀予於是乎言

嘉靖乙丑季春朔



賜進士第監察御史邑人李廷龍撰

湘陰縣志目錄

縣譜

提封

風俗 形勝 塚墓附

創設

坊橋 水利附

學校

祀典

寺觀附

食貨

職官題名

人物題名

雜科 尚義附

循良

名賢

孝友

節義

隱逸

僑寓

僊釋

脩志名姓

一纂修

張燈

知縣

一考索

蕭淮

邑舉人

一校正

梁拱辰

教諭

裴燧

何寶

俱司訓

邵演

校園柳  
知縣

蘇奈

蕭泮

俱邑舉人

劉木中

吳允介

黃天爵

湖陰縣志

鄒金聲

李照

王鑰

俱邑廩生

一督工

賀懋安

縣丞

俞大基

典史

續志  
姓名

一重脩

李廷龍

邑布  
史

校正

虞大治

黃閣

俱司訓

王鑰

孫恩

邵洛

嚴大化

俱邑廩  
生

焦天衢

李勳

洪希元


徐文顯

俱邑廩  
生




湘陰縣志





樂志



九

湘陰縣志

上

張橙修

縣譜

凡正統者大書列上方不正者分書之非正統者列下方不以  
統于之者處之也邑之沿革則書于各代之下無考者闕之

三世

三苗之地

虞

禹貢荊州地

夏

荊州地

湘陰縣志

商

荊州地

周

周成王分封地屬楚至

春秋

楚地

文王自南郡枝江徙羅

為國

戰國

楚地

秦

秦伐楚置長沙郡改羅為縣

西

高帝徙吳為長沙  
王長沙為國隸三  
縣羅亦與焉

漢

新莽

羅

湘陰縣志

東

置長沙郡屬荊州羅仍隸於長沙

三國

孫劉分荊州以湘陰為界  
長沙以東屬權

漢

晉

羅

南北朝

宋始置湘陰屬湘東  
齊屬長沙郡  
梁陳以湘陰置岳陽郡

隋

於玉筍山置玉州尋改岳陽郡為湘陰廢岳山縣後又廢玉州

唐

省羅入湘陰隸岳州

五代

梁湘陰鎮

晉屬潭州

漢郭威封知遠姓贊西

湘陰公

周以鄧隱功封羅國侯

宋

淳化四年屬潭州

元

屬潭州路元貞間陞為

州

湘陰縣志

十二

國

我

太祖初寨長吳仁琮以湘陰

朝

降徐達至洪武二年始改

為縣屬長沙府

縣譜

湘陰在上世為三苗之地禹貢為荊州之壤周武王分封地屬楚至文王徙為羅國秦廢封建改國為縣漢高帝徙吳芮為長沙王縣亦轄之三國後劉分荊州以湘水為界羅屬孫吳南宋元徽二年始割益陽羅湘西三縣為湘陰隸湘東郡謂其地居湘水之南故名湘陰而羅亦未廢也齊屬長沙郡梁以湘陰置岳陽郡及羅州隋于玉笥山置三州并為玉山縣隸岳州唐減羅縣入湘陰亦隸岳

湘陰縣志

十三

州而玉山縣則已廢矣宋淳化四年仍改屬潭州元元貞間陞為州元末寨長吳仁宗以其縣附我

國朝

太祖仍州之洪武二年改為縣屬長沙府其域東至平江縣鵝籠江六十里南至長沙縣青山界八十五里西至沅江縣下堤塘一百一十里北至岳州岐州界一百四十里一百二十里入府七百二十里入省四千七百八十里入

京師封疆之內廣二百二十里袤一百二十五里  
先王疆理天下必先分服表鎮度地居民俾各為  
治以成君國此周禮職方氏所載其所由來者遠  
矣但歷代之分合不一其沿革有未能盡同者勢  
使之然也然方土異宜民各異俗雖善治者有未  
易以易其趨而因俗變革之政不可緩也已矣

### 提封

湘江源出靖江府興安縣陽海山靈渠汙合瀟水為  
瀟湘蒸水為蒸湘匯於洞庭入於江漢三湘之正流

### 湘陰縣志

十四

也湘陰之水起喬口過白鳥潭竈渚入于三十六灣  
其一自哀江入于板灘會于筓竹岐而北按湘潭志  
瀟水發道州湘水發全州至永州

湘水發源於海陽山由全永逶迤行數千里而會  
於湘長波巨浸濛濛萬狀真勝覽也而風氣之所  
攸鍾靈稟之所翕洩其發之賢雋之士乎故歷代  
以來稱奇節卓行為居多者豈無所自與

### 分野

長沙入軫十六度

魏太史令陳卓云  
唐志云入軫九度

翼軫之分

史記天官曰翼軫荆州次鶉尾已位  
漢志楚地翼軫之分野  
周禮保章氏以星主辯九

州之地楚居鶉尾史記天官二十八舍主十二州  
北斗之荆州麗斗之術蓋第四星也星經以五  
卯之癸卯為長沙宋史云上台下星主荆揚又  
癸感長沙為荆州地湘陰在長沙之北則其分  
野之星與長沙同度也

荆楚分星諸家皆主翼軫惟緯石星經宋志復以  
垣畢熒惑雜古今考之春秋元命包軫星散為荆  
州則其所主翼軫似有所據矣但長沙以及漢中  
諸郡舊皆屬荆南則其分配固難舍是復以他度  
數拘之也况以求之十二邑之分寸不為尤難邪  
昔人謂以萬輿配景懼非有神人凌風步虛執矩

度較量鮮莫謬戾者即此之謂也但周禮保章氏  
以封域皆有分星以觀妖祥蓋言天人之機相為  
符契得失之故速於感應是在為守令者宣節和  
氣輔相物宜明于休戚理亂之源而驚惕不怠焉  
則鑒觀維赫自若常臨之者矣若謂天道甚遠變  
不足畏也是豈知當務者哉

山

八山一縣治後園一先師廟後即仰高山一東明  
觀後一杜家港一東明觀前一魚行港口一  
許提刑後園一九井一市心一興化寺一縣前一  
石街許氏居後文輝坊下一昭烈廟後其餘  
不可泗羅在縣治北七十里有泗羅玉池又名玉  
池峯在